
DISSERTATIO MEDICA

INAUGURALIS

DE

P H T H I S I.



DISSERTATIO MEDICA
INAUGURALIS
DE

P H T H I S I;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, SS.T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu, et
Nobilissimæ FACULTATIS MEDICÆ Decreto;

PRO

GRADU DOCTORATUS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT

GULIELMUS PITTS DIMSDALE,

ANGLUS,

SOCIET. REG. MED. EDIN.

SOC. EXTRAORD.

Ad diem 24. Junii, horâ locoque solitis.

EDINBURGI:

EXCUDEBANT ADAMUS NEILL ET SOCII.

M DCC XCIX.

DISSERTATIO MEDICA

INAUGURALIS

DE

P H T H I S I.

MORBUS de quo dicturus sum attentionem medicorum semper sibi vindicavit; etiam si operam haud exiguum in hujus natura et curatione investigandis viri clarissimi collocaverint, fatendum tamen est, nullum omninò dari, ne peste ipsâ exceptâ, qui sit hominibus infestior, omnemque medicinam magis contemnat.

A

Phthisis

Phthisis sic a CULLENO definitur : “ Corporis emaciatio et debilitas ; cum tussi, febre hectica, et plerumque expectoratione purulenta.”

Tussis sæpe quidem ab initio ita mitis est, ut vix animadvertatur, et ab ipso ægrotante ejusque familiaribus a catarrho oriunda judicetur ; interea vero vires acquirit eundo, sæpissimèque fit molestissima antequam ad eam sistendam, malosque frigoris effectus averte-
dos, ferio se accingunt. Exscretio quæ primo morbi ingressu parca erat, eodem invalescente fit copiosior ; neque jam ut olim, perlucens glutinosusque mucus expuitur, sed opaca, friabilis, purulenta denique materies, quæ, eheu ! apertè nimis quo morbus tendat ostendit.

Variis modis usi sunt clinici, quò quid intersit discriminis mucum inter et pus in medium proferrent ; non deficiunt certè suæ laudes experimentis quæ de hâc re instituit ingeniosus

niosus vir CAR. DARWIN, magis vero obvia HIPPOCRATIS methodus, quæ a specifico istorem fluidorum pondere petitur, nuncque frequentius usurpatur : pus etiam fœtore suo commodè a muco distingui potest.

Brevissimo tempore post morbi exordium, comitum habet hæcticam febrem ; hujus vero historia tam minutatim et eleganter a CULLENO describitur, ut longè satius fuisse mihi videar si ipsius verba referam. “ A hæctic fever has the form of a remittent, which has exacerbations twice every day. The first of these occurs about noon, sometimes a little sooner or later ; and a slight remission of it happens about five afternoon. This is soon succeeded by another exacerbation, gradually increasing, till after midnight ; but, after two o’clock of the morning, a remission takes place, which becomes more and more considerable as the morning advances. The exacerbations

acerbations are frequently attended with some degree of cold shivering, or, at least, the patient is exceedingly sensible to any coolness of the air, seeks external heat, and often complains of a sense of cold, when, to the thermometer, his skin is preternaturally warm. Of these exacerbations, that of the evening is always the most considerable."

Febris illa, auctore CULLENO, ortum suum habet a peculiari quâdam acrimonia; quæ ipsa ab ulceribus est oriunda; hujus vero acrimoniæ natura nos penitus latet, interea vero, quotidiana nos docet experientia ulcera diutius adesse, imo etiam ingentem vim puris in venas reforberi, quin ulla hæctica febris oriatur; id etiam in professo est, sæpissime adesse febrem hæcticam, quin ulla puris vel levissima particula detegi possit: facile assentimur CULLENO, cum docet, positâ illâ acrimoniâ priorum

priorum huic morbo signorum rationem in promptu esse; sed ut illustrissimi cujusdam scriptoris verbis utar: "Supposer ce qu'on ne voit pas, croire ce qui est contredit par l'expérience, c'est substituer des songes à des objets réels, c'est embrasser l'erreur pour la vérité, et adopter des chimères pour des faits."

Non longò post febris hæc sese prodiderit, copiosius plerumque profluunt sudores, præsertim qui vespertinas exacerbationes excipiunt; morboque incrementa capiente, iidem immanes evadunt; urina vero parcior redditur, et coloratior, et non exiguam sedimenti vim deponit; multa exempla extra dubii aleam posuerunt, mirabile inter eas quæ per cutem et quæ per renes fiunt excretiones adesse æquilibrium; ita ut si parciore illæ, hæc copiosiores evadant; sic diabetes cutem aridam caloremque imprimis ad volas manuum

num et pedum urentem habet, omniaque symptomata vix ullum fudori exitum patere ostendunt : coloratior urina, salibus non ut decet dilutis, omnino tribuenda est ; non tantum medici nostris temporibus huic urinæ conditioni confidunt, quantum majores confisi essent ; interque aniles fabulas hodieum numeratur eorum opinio, qui reliquias morbi cum sedimento deponi arbitrabantur ; verum enimvero, probe novimus, eò coloratiorem plerumque urinam esse futuram, quò parcior sit ejusdem copia.

Arida lingua immanisque fitis hanc febrem rariùs stipantur ; aphthæ quæ aliquando in ore erumpunt, vix ullam salutis spem habent : pallida plerumque est facies, exacerbescente vero febris genæ leviter seu hecticè rubescunt. Adnata oculorum membrana albidum margaritarum colorem refert ; uno verbo, tota oris forma emorientes ægrotantis vires ostendit,
non

non vero eventus terrore depresso animum ;
spem enim alit æger, vel morbo ad exitium
properante ; sibi que blandicus paucis nonnun-
quam horis antequam mors finem miserrimæ
vitæ imponit, de futuris cum amico colloqui-
tur.

Alvus à primo morbi ingressu est plerum-
que pertinaciter adstricta, febre vero ingra-
vescente præter modum fit laxa ; neque sibi
est constans alvi fluxus, solummodo per inter-
valla redit ; observaverunt clinici eo parciore
fieri sudores, quò fit immanior diarrhœa.

Primas omnino tenet inter varia morbi
symptomata corporis extenuatio et macies ;
quæ quidem aliquando tanta fit, ut ossa solâ
cute tecta appareant. Capilli defluunt ; un-
gues incurvantur ; lethale signum dixit HIP-
POCRATES si capilli et alvus simul defluant.
In scæminis cum aliquandiu morbus persistit,
menstrua

menstrua fluere prorsùs desinunt ; hunc morbi effectum, mulierculæ plerumque ejusdem esse causam arbitrantur. Morbo jam profecto, maximus adest virium lapsus ; œdematosus fit æger, imprimisque intumescunt pedes, atrocior est diarrhœa, parcior vero sudor, delinquit animus, delira et absona nonnunquam effluuntur, mors tandem tragædiam absolvit.

C A U S Æ.

INTER causas quæ corpus huic morbo opportunum faciunt, primas manifestò sibi vindicat scrophulosa indoles quæ à parentibus ad prolem transmittitur ; hujus vero indolis natura nos penitus latet, suos effectus præcipuè in systemate lymphatico obvios habet, et vix unquam strumosos tumores in aliqua corporis parte

parte reperies, quin etiam tuberculis pulmones inficiantur; hic nexus quo tuberculæ aliique strumosi tumores inter se connectuntur, plurimorum scriptorum attentionem sibi vindicavit; et a GREGORIO nostro, in aureo suo quem de morbis cœli mutatione medendis in lucem edidit, libello sic describitur.

“ Eandem speciem externam, et, si cultro inciduntur, internam habent; eandemque spissitatem et duritiem: eodem modo, a parvo initio ad molem sæpe magnam paulatim crescunt, et plerumque sine magno dolore aut molestiâ; tardè et ægrè suppurant, et nunquam in suppurationem benignam abeunt, sed ulcera fœda et vix sanabilia relinquunt. Eodem anni tempore ambo se ostendunt, hiemali scilicet aut verno; accedente æstate, levantur, aut dissipantur, at, reverso hieme ambo sæpe redeunt. Denique in sectionibus cadaverum

B

eorum

eorum quos scrophula plane occidit, tumores scrophulofi in omnibus corporis partibus, et tubercula in pulmonibus ejusdem speciei, haud raro reperiuntur.”

Si quis vero auctore BEDDOES urgeat nos hujusmodi naturam non exposuisse cum illum ad scrophulas retulimus, si quidem ipsa scrophularum natura sit in obscuro ; fatentes reos habebit, verum enimvero cum hujus rei notitia tantis undique prematur difficultatibus, fatius sanè est nostram ignorantiam plane agnoscere, quam vanis indulgere commentis quorum probatio à paucis tantum rebus factis petitur, quarum ratio melior longèque planior alia reddi posset : non tamen omnino rejiciendæ mihi videntur hujusmodi investigationes, sic enim scientia nostra adornatur locupletaturque, sic medicus ab empirico distinguitur ; hoc vero semper memoriâ tenendum est, non conjectando

do naturæ arcana esse detegenda : non tantum certe esset medicinæ opprobrium, neque tot tamque absurda detegerentur in medicis lubricationibus, quæ ab HIPPOCRATIS tempore ad nostrum usque diem exaratae fuerunt, si ad res solas factas et veras investigandas semet medici gnaviter accinxissent.

Catarrhus qui in primis apud nostrates frequentissimus reperitur, phthisin sæpius procreavisse existimabatur, immerito quidem; nisi in iis quorum pulmones tuberculis jam fœdabantur; verum enimvero catarrhus mucosam nasi, faucium, et bronchiarum, membranam aggreditur, et auctâ secretionem, morbus tolletur. Phthisis vero ipsos pulmones inficit, qui nisi principiis obstiteris, suppurabunt.

Inter excitantes phthiſeos causas, in iis saltem quorum pulmones ad labem jam sunt proclives

clives facti, fortasse hæmoptysis est annumeranda; quæ tamen morbi symptomata sæpius quam causa erit, cujusquidem rei facilis admodum et obvia ut opinor est ratio, tota pulmonum compages conficitur ex exilibus bronchiarum ramulis, parvis quæ aërem recipiunt veficulis, vasculis sanguiniferis, absorbentibus, et nervis, quæ omnia exili membra cellulosa inter se connectuntur; unde fit, ut brevissimo tempore si adfit ulcus, ramuli aliqui corrodantur; si minutissimi solummodo ramuli abrodantur, excreatio sanguine erit distincta, si majores vero immanis sanguinis vis erumpet.

Animadvertit MORGAGNI eos sæpius phthisi laborare qui lapidibus incidunt, inhalatis videlicet minutissimis lapidum particulis, quibus irritantur pulmones et ad inflammationem excitantur; idem de hominibus molariis, linteonibus, &c. propter similem omnino causam observatum est.

Phthisis

Phthisis profecto à tuberculis frequentissime est oriunda; de istorum vero naturâ, et modo quo enascuntur, nihil omnino certi novimus; docebat quidem SAUVAGE, concretâ in glandulis bronchialibus lymphâ, easdem fore schirrosas; hæc vero doctrina vix ad nodum solvendum valere reperietur; verum enimvero demus lympham revera in glandulis unquam concretam fieri, quod quidem minime probatum est, imò etiam rationi maxime absconum videtur quid inde colligi potest, tubercula ubique pulmonum reperiuntur, glandulæ vero superficiem tantùm amant.

Diversæ admodum magnitudinis sunt tubercula, alia vel levissimum granulum mole suâ vix æmulantur, alia dimidium digitum altitudine referunt; non nunquam in congeries conglomerantur, quæ parvam molem habent; sunt solida, albida, cartilaginem texturâ suâ æmulantur; secta, lævem, perlucens, uniformemque

formemque habent superficiem; in quibusdam foramina parva vides, grandiora facta cavitates habent, in quibus plus minusve puris continetur; tuberculum à quo pus dimanat vomica dicitur. In quibusdam exemplis, numero quidem paucis, calcaria materies expuebatur, hujus autem origo penitus nos latet.

Homines quindecimum inter et trigefimum quintum annum potius aggreditur phthisis, pauca tamen exempla habemus in quibus ætate provectos enecavit. Fœminæ quam mares huic morbo sunt opportuniore.

PROGNOSIS.

P R O G N O S I S.

INCIPIENS phthisis miti simillima est catarrho, et nonnullam salutis spem habet; cum jam suppurati sunt pulmones, vix quinquagesimus quisque institutis de hâc re calculis, à morbo convalescet.

C U R A T I O.

Cum morbi cujusvis causæ symptomatumque natura sunt in aprico, generalem curatorium indicationem instituere possumus, quâ nisi forsan unexpectata quædam accidunt ad felicem exitum perducatur; res verò longè se aliter habet in phthisi, nam peculiaris illa
indoles

indoles qua corpus huic morbo opportunum evadit, densâ adhuc ut jam innuimus caligine merfa est ; quotidianaque nos docet experientia minimè fidendum esse innumeris illis remediis, quæ efficacissima et nunquam spem fallantia laudantur.

Quoniam vix ulla spes salutis in phthisi pulmonali affulget, causæ quæ malo originem aut occasionem dare noscuntur diligentissimè sunt arcendæ : si quis igitur ortus à parentibus hâc labe defunctis morbo huic se opportunum ostendit, ad eas migretur regiones, in quibus non ita repente, ac in nostris frigus calorem excipit ; tam subitæ enim sunt vices quas cœlum nostrum subit, ut nonnunquam postera dies hesternâ 20° frigidior evadat ; frigore vero tam repentè corpori admoto, sanguis per externa ægriùs means ad pulmones majori quam decet copiâ refluit, ficque morbum procreat. Si autem res arctæ domi locum

cum mutari non patiuntur, diligentissima vestibus detur cura; maxima profecto vestium utilitas præsertim in Britannia nostra, quæ tam subitas tempestatis mutationes habet; cum igitur tam frequens apud nostrates, et quasi iisdem propria sit phthisis, nonnihil fortasse culpanda est eorum de vestibus incuria.

Sit victus eorum qui ad phthisin sunt proclives concoctu facilis, tenuis, qui tamen corpus alat et reficiet; etiamsi hæc quibusdam majoris quam par est videantur momenti, nemo tamen qui non videat, si plus æquo oneratur distenditurque ventriculus, hoc ipso liberum pulmonum motum impediri, sicque morbum foveri: læ, olera, fruges, commode porrigentur; in partem laudis forsân non minimam quæ lacti asinino tribuebatur, veniunt campester aër, hilaritas, quæ hujus lactis usum comitari solent.

Idonea exercitatio quæ vires reficiat et renovet, inter phthiferos remedia certe primas tenet; minime vero affentimur SYDENHAMIO qui docet, “ tantum valere equitationem ad phthifin curandam, quantum mercurium ad luem veneream, aut chinamchinam ad febres intermittentes;” etiamfi mirum in modum aliis remediis opitulatur, aut fortaffe primo morbi ingreffu, et antequam graviora urgeant fympptomata, fola curam abfolvat. Navigatio omnibus fere qui de hae re fcripferunt annuentibus, infigne commodum et excellentiam habet; nonnullosque phthificos de quibus jam pene conclamatum fuerat, ad vitam quafi revocavit; plurimi acutiffimique viri operam haud exiguam collocarunt, in investigando modum quo tam falutaris effectus locum obtineat; tam parum vero fibi confentiunt eorum opiniones, ut prorfus prætermittendæ mihi videantur.

Plurimum

Plurimum a quibusdam laudabantur emetica, neque suæ iis fortasse defunt laudes, cum primo morbi exordio, aut etiam per ejusdem decursum parce longisque intervallis adhibentur; congestiones enim materiæ si quæ ventriculum exonerant, solvent dispellentque; Doctoris REID sententia qui ea bis de die porrigenda contendit, minime tuta mihi videtur; imo etiam bonos effectus qui a navigatione defluunt, nausææ quam excitat esse tribuendos plane affirmat; maxima tamen utilitas a navigatione aliquando percepta fuit, cum nulla nausæa occurrerat; et Doctor JAC. CAR. SMYTH in libello, quem de libratione ad phthisin debellandum maxime valente edidit, omnino asserit, navigationem nausææ vacuum melius esse profuturam: minimè quidem rationi absfona videtur eorum sententia, qui emeticis quæ certe ad vires refocillandas nihil omninò valent, non promiscuè liberiorique manu esse utendum contendunt; nisi jam multa nos docuerit

docuerit experientia, iisdem morbum mitiorem nullomodo vero atrociorem effici.

Incipiente phthifica affectione, si adsunt inflammationis signa, tussis molestior, et sicca, nimia humorum abundantia, a venæsectione non est abstinendum; nonnulli per morbi etiam decursum, parcâ quidem manu, sed iteratis vicibus, sanguinem subinde detrahendum judicabant; ista vero medendi ratio manifesti periculi tam plena est, ut nullum ni fallor hodieum habeat fautorem, proindeque non sit fufius discutienda: verum enimvero generalis sanguinis detractio impetum versus pulmones nihil minuit, dum corpus jam valde exhaustum debilitatumque ut provecto morbo fieri affolet, etiam facit, debilius; quis enim prudens medicus ad venæsectionem confugiet, cùm jam exhaustis viribus jacet ægrotans immanem puris vim continenter expuens? crusta alba et tenax, nisi alia inflammationis

mationis signa tali remedio opus esse moneant, minime venam iterum secandam ostendit; quidquid BOERHAAVIUS et CLIFTON WINTRINGHAM censuerint, plurima nos docent exempla, huic symptomati fidem esse dandam nullam; manifestissimæ pneumoniæ exemplum nuper in Nosocomio Edinensis habuimus; ingentissima erant omnia inflammationis symptomata, nulla tamen, vel minutissima hujusce crustæ particula supernatabat sanguini, qui ad morbum debellandum profusiùs detrahebatur: dudùm obfoluere antiqua de inflammationià crustâ commenta, probe perspectum habemus hujus crustæ formam a sanguine esse oriundam, qui cogitur tardiùs solito quod in phlegmasiis est usitatissimum, interea vero particulæ rubræ subsidunt, sicque purum gluten superficiem occupat.

Dubius est profecto setaccorum usus, etiamsi a quibusdam tanta in laude habeantur; vires enim

enim quæ jam propemodum fractæ sunt, facile exinanitione auctâ qualibet penitusque exsolventur : corpus vero maxime emungitur liquaturque puris affluentia, sive hoc ab effuso fero, sive ut quidam autumare amant, et rationi magis consentaneum videtur, a functione quâdam secretioni simillimâ ortum suum habeat ; si quis igitur incommoda quæ certissimè debilitas affert, cum laudatis sed non obviis externorum ulcerum utilitatibus bene conferat, cautus admodum ad ea confugiet.

Quæ opium habent tussim compescunt, somnos faciles conciliabunt, symptomataque saltem ad tempus sublevabunt, si prudens ea porrigas ; sin nimis inflammationi favebunt ; exscreationem imminuent, atrocioresque morbum efficient.

Balsamica, resinosa, oleosa, et alia innumera expectorantia, quibus tantam fidem majores habebant,

habebant, omnino negliguntur; quippe quæ, ventriculo nocuisse, nihilque commodi attulisse, reperiabantur; multò plus utilitatis habent mucilaginosæ cum opio mixtæ.

Diarrhœa, jam provecto morbo, astringentibus et opio solummodo est mitiganda; sed sæpissime omnem curam contemnit, per intervalla recurrens, donec ad extremum exitium perveniat.

Doctrina hyperoxygenationis quæ ad variorum symptomatum rationem reddendam proponebatur, vix ullos habet hodiedum patronos, et minime discutienda sunt hujus opinionis argumenta, quæ ad rem nihil faciunt; non mirandum est tamen, celeberrimus ejus auctorem BEDDOES rerum specie opinandique præjudicio deceptum, ad ea quæ doctrinæ suæ adversabantur non respexisse; hoc vero compertum habemus, gas oxygenium pulmonibus esse

esse irritamento, aër igitur cui parcior fit oxy-
 genii pars, phthificis fortasse aliquod levamen
 afferet: non tanta nunc habetur quanta olim
 fides gassibus, quæ adversus phthisin efficacis-
 sima, et artem nostram ab opprobrio suo vindi-
 catura, celebrabantur: non tamen omnis ~~lati-~~
 dis vacua judicanda sunt, eorum usu fortasse
 mitescent ea symptomata, quæ sæpissimè nul-
 la medicina removeere potest.

F I N I S.